

S-DU IAH-‘EN-GO SHŬ-SING. DI-IH-FONG. 使徒約翰

翰個書信 第一封

1I’e. I.

Toh-fah-ts-deo ^[1]sô yiu go, z ah-lah t’ing-meng-ko, ts’ing-ngæn k’en-kyin yia ts-si k’en-ko, ping-ts’ia ts’ing-siu moh-ko, keh weh-ming-go Dao; ² (Keh-go weh-ming z yi-kying hyin-c’ih-læ, ah-lah z k’en-kyin-ko, næn-kæn tso te-tsing, pô keh üong-yün weh-ming t’ong-cü ng-lah; gyi peng-læ z teng T’in-Vu dô-kô læ-kæn, yia yi-kying hyin-c’ih-læ peh ah-lah go.) ³ Ah-lah ^[1]sô k’en-kyin sô t’ing-meng-ko, næn-kæn t’ong-cü ng-lah, s-teh ng-lah teng ah-lah hao dô-kô yiu-veng: ah-lah ni, z teng T’in-Vu teng Gyi Ng-ts Yiæ-su Kyi-toh dô-kô yiu-veng-go. ⁴ Ah-lah næn-kæn sia keh-sing z-ken peh ng-lah, s-teh ng-lah hao jih-feng hwun-hyi.

篤發之頭所^[1]有個，是阿拉聽聞過、親眼看見也仔細看過、並且親手摸過、箇活命個道。²（箇個活命是已經顯出來，阿拉是看見過，難間做對證，把箇永遠活命通知爾拉。其本來是等天父大家來間，也已經顯出來撥阿拉個。）³ 阿拉所^[1]看見所聽聞過，難間通知爾拉，使得爾拉等阿拉好大家有份。阿拉呢，是等天父等其兒子耶穌基督大家有份個。⁴ 阿拉難間寫箇星事幹撥爾拉，使得爾拉好十分歡喜。

[1] 此處原書錯印爲 so

⁵ Ah-lah dzong Gyi sô t’ing-meng go sing-sih, næn-kæn t’ong-cü ng-lah, ziu-z Jing-ming z-go liang-kwông, dzæ-ü Gyi ih-ngæn m-kao en. ⁶ Ah-lah ziah wô z teng Gyi dô-kô yiu-veng,” dzing-gyiu læ en li-hyang læ-tih tseo, z shih-hwông, feh-i tsing dao-li. ⁷ Ziah-z læ liang-kwông li-hyang læ-tih tseo, ziang Gyi læ liang-kwông ka, ah-lah z teng Gyi dô-kô yiu-veng, ping-ts’ia Gyi Ng-ts Yiæ-su Kyi-toh-go hyüih we gyiang ken-zing ah-lah long-tsong ze. ⁸ Ah-lah ziah wô m-neh ze, z zi p’in zi, ping-ts’ia tsing dao-li z feh dzeng-læ ah-lah sing li. ⁹ Ziah-z tsiao-jing zi-go ze, Gyi yi sing-jih, yi kong-yi, we sô-diao ah-lah ze, gyiang ken-zing ah-lah long-tsong ăa-c’ü. ¹⁰ Ah-lah ziah wô zi m-neh væn-ze-ko, keh z sôn Gyi shih-hwông, ping-ts’ia. Gyi-go dao-li feh dzeng læ ah-lah sing-li.

⁵ 阿拉從其所聽聞個信息，難間通知爾拉，就是神明是個亮光，在於其一眼嘸告暗。⁶ 阿拉若話是等其大家有份，仍舊來暗裏向來的走，是說謊，弗依真道理。⁷ 若是來亮光裏向來的走，像其來亮光介，阿拉是等其大家有份，並且其兒

子耶穌基督個血會澆乾淨阿拉攏總罪。⁸ 阿拉若話嘅得罪，是自騙自，並且眞道理是弗存來阿拉心裏。⁹ 若是招認自個罪，其又信實、又公義，會赦掉阿拉罪，澆乾淨阿拉攏總壞處。¹⁰ 阿拉若話自嘅得犯罪個，箇是算其說謊，並且其個道理弗存來阿拉心裏。

1I'e. II.

Ngô-go siao-nying, ngô sia keh-sing z-ken peh ng-lah, s-teh ng-lah ve ky'i væn-ze. Ziah yiu nying væn-ze, læ T'in-Vu u-sen ah-lah yiu ih-go pao-kô cü-kwu, ziu-z keh kong-yi-go Yiæ-su Kyi-toh: ² Gyi-zi z t'i ah-lah tso wæn-we ze go tsi-veh; feh tæen-tsih wæn-we ah-lah-go ze, yia-z wæn-we 'en-t'in-'ô-go ze. ³ Ah-lah ziah siu-djü Gyi-go lih-fah, ziu hao hyiao-teh z nying-teh Gyi. ⁴ Ziah yiu nying wô, ngô nying-teh Gyi, yi feh siu-djü Gyi lih-fah, keh z shih-hwông, tsing dao-li yia feh dzeng læ gyi sing li. ⁵ Ziah yiu nying siu-djü Gyi-go dao-li, gyi æ-kying Jing-ming go sing tsing-tsing djün-be-de: ziu hao hyiao-teh ah-lah z dzæ-ü Gyi. ⁶ Ziah-yiu nying wô z dzæ-ü Gyi, tông-kæ ziang Gyi-go 'ang-we ka tso-nying. ⁷ Hyüong-di, ngô næn-kæn sia-peh ng-lah, feh-z sing lih-fah, z gyiu lih-fah, ng-lah ih-hyang sô yiu go. Keh gyiu lih-fah z ng-lah su-djông sô t'ing-meng go dao-li. ⁸ Ngô tsæ sia ih-diao sing lih-fah peh ng-lah; dzæ-ü Gyi z tsing-go, dzæ-ü ng-lah yia-z tsing-go: ing-we heh-en yi-kying ko-de, jih-we-go liang-kwông fah-c'ih læ-de. ⁹ Ziah-yiu nying wô z deng-læ liang-kwông li-hyang, wa læ-tih u-su gyi hyüong-di, gyi jih-dzæ z dzing-gyiu deng-læ heh-en li-hyang. ¹⁰ Ziah-yiu nying æ-sih gyi hyüong-di, z deng-læ liang-kwông li-hyang, gyi ziu m-kao soh-go pæn-tih-go z-ken. ¹¹ Ziah-z u-su gyi hyüong-di, z deng-læ heh-en li-hyang, tseo heh-en lu, yia feh hyiao-teh tao 'ah-li ky'i, ing-we heh-en tsô-djü gyi ngæn-tsing.

我個小人，我寫箇星事幹撥爾拉，使得爾拉去犯罪。若有人犯罪，來天父烏碎阿拉有一個保家主顧，就是箇公義個耶穌基督。² 其自是替阿拉做挽回罪個祭物；弗單只挽回阿拉個罪，也是挽回咸天下個罪。³ 阿拉若守住其個律法，就好曉得是認得其。⁴ 若有人話，我認得其，又弗守住其律法，箇是說謊，眞道理也弗存來其心裏。⁵ 若有人守住其個道理，其愛敬神明個心真正全備了。就好曉得阿拉是在於其。⁶ 若有人話是在於其，當該像其個行爲介做人。⁷ 兄弟，我難問寫撥爾拉，弗是新律法，是舊律法，爾拉一向所有個。箇舊律法是爾拉素常所聽聞個道理。⁸ 我再寫一條新律法撥爾拉；在於其是真個，在於爾拉也是真個。因爲黑暗已經過了，實惠個亮光發出來了。⁹ 若有人話是庵來亮光裏向，還

來的惡憐其兄弟，其實在是仍舊庵來黑暗裏向。¹⁰ 若有人愛惜其兄弟，是庵來亮光裏向，其就嘸告啥個搥跌個事幹。¹¹ 若是惡憐其兄弟，是庵來黑暗裏向，走黑暗路，也弗曉得到何裏去，因為黑暗遮住其眼睛。

¹² Ngô sia sing peh ng-lah siao-nying, ing-we ng-lah-go ze we-leh Gyi-go ming-deo sô-diao-de. ¹³ Ngô sia sing peh ng-lah lao-dzing nying, ing-we ng-lah sih-teh keh-we dzong ky'i-deo yiu-go cü-kwu. Ng sia sing peh ng-lah 'eo-sang, ing-we ng-lah tang-t'e keh-go ôh-kwe. Ngô sia sing peh ng-lah siao-nying, ing-we ng-lah sih-teh *T'in-Vu*. ¹⁴ Ngô yiu sing sia peh ng-lah lao-dzing nying, ing-we ng-lah sih-teh keh-we dzong ky'i-deo yiu-go cü-kwu. Ngô yiu sing sia peh ng-lah 'eo-sang, ing-we ng-lah z kông-gyang, Jing-ming-go dao-li yia læ ng-lah sing-li, ping-ts'ia ng-lah tang-t'e keh-go ôh-kwe. ¹⁵ Ng-lah m-nao æ-sih shü-kæn-zông, teng shü-kæn-zông-go tong-si. Ziah-yiu nying æ-sih shü-kæn-zông, gyi z m-neh æ-kying *T'in-Vu* go sing. ¹⁶ Ing-we væn-pah læ shü-kæn-zông-go, 'ôh-tsia nyüoh-sing-go s-yüôh, 'ôh-tsia ngæn-tsing-go s-yüôh, 'ôh-tsia weh-zin-go shæ-wô, tu feh-z dzong *T'in-Vu*, z dzong shü-kæn-zông ka læ. ¹⁷ Shü-kæn-zông teng t'en shü-kæn-zông-go s-yüôh tu iao ko-ky'i; tsih-yiu i Jing-ming-go ts-i tso go cü-kwu we üong-yün læ-tong.

¹² 我寫信撥爾拉小人，因為爾拉個罪爲了其個名頭赦掉了。¹³ 我寫信撥爾拉老成人，因為爾拉識得箇位從起頭有個主顧。爾寫信撥爾拉後生，因為爾拉打退箇個惡鬼。我寫信撥爾拉小人，因為爾拉識得天父。¹⁴ 我又信寫撥爾拉老成人，因為爾拉識得箇位從起頭有個主顧。我又信寫撥爾拉後生，因為爾拉是剛強，神明個道理也來爾拉心裏，並且爾拉打退箇個惡鬼。¹⁵ 爾拉嘸得好愛惜世間上，等世間上個東西。若有人愛惜世間上，其是嘸得愛敬天父個心。¹⁶ 因為凡百來世間上個，或者肉身個私慾，或者眼睛個私慾，或者活前個奢華，都弗是從天父，是從世間上介來。¹⁷ 世間上等貪世間上個私慾都要過去；只有依神明個旨意做個主顧會永遠來東。

¹⁸ Siao-nying, næn-kæn z meh-gyih z-shü; ng-lah sô t'ing-meng yiu ih-go Kyi-toh-go te-deo iao læ, næn-kæn yiu hyü-to Kyi-toh-go te-deo yi-kying læ-tong de; ziu hao hyiao-teh z meh-gyih z-shü. ¹⁹ Gyi-lah we li-k'æ ah-lah tseo-c'ih ky'i, peng-læ feh-z ah-lah-go nying; ziah-z ah-lah-go nying tsong-we teng ah-lah dzing læ-tong; dæn-z li-k'æ ts, keh z ming-tông-tông feh-z ah-lah-go nying. ²⁰ Ng-lah be Sing-Ling ken-hwô, ziang fu-yiu ka, yang-yang hyiao-teh. ²¹ Ngô sia sing peh ng-lah, feh-z we-leh ng-lah feh hyiao-teh tsing dao-li, z we-leh ng-lah hyiao-teh-go, ping-ts'ia hyiao-teh væn-pah kô-go feh-z dzong tsing dao-li ka læ. ²² Feh tsiao-jing Yiæ-su z-go Kyi-toh, keh-go cü-kwu ziah feh-z kô-go, jü z kô-go? Feh tsiao-jing

T'in-Vu teng Gyi Ng-ts, ziu-z Kyi-toh-go te-deo. ²³ Væn-pah feh tsiao-jing gyi Ng-ts cü-kwu, z m̃-teh gyi Ah-tia: *tsiao-jing gyi Ng-ts cü-kwu, ziu yiu gyi Ah-tia*. ²⁴ Ng-lah ih-hyang sô t'ing-meng go dao-li kæ dzeng læ sing-li. Ziah su-djông sô t'ing-meng go dao-li z dzeng-læ ng-lah-go sing-li, ng-lah ziu we dziang dzæ-ü Ng-ts teng Ah-tia. ²⁵ Wa-yiu, Gyi ing-hyü ah-lah go, ziu-z üong-yün weh-ming. ²⁶ Ngô sia keh-sing z-ken peh ng-lah, z ts-tin keh-sing læ-kæn ta-diao ng-lah go cü-kwu. ²⁷ Wa-yiu, ng-lah dzong Gyi sô teh-djôh go fu-yiu z læ ng-lah-go sing-li, yia hao-vong bih-nying kao ng-lah; keh-go fu-yiu kyi-jün z kao? ng-lah yang-yang z-ken, yia-z tsing-go, ih-ngæn m-kao kô-go, tsiao gyi sô kao go, ng-lah hao dziang-t'ong dzæ-ü Gyi. ²⁸ Næn-kæn ng-lah, siao-nying hao dziang-t'ong dzæ-ü Gyi; ka-ni, Gyi hyin-c'ih læ z'eo, ah-lah hao fông-sing; Gyi læ-go z'eo, ah-lah læ Gyi min-zin yia feh-we wông-k'ong. ²⁹ Ng-lah ziah hyiao-teh Gyi z kong-yi-go, ziu hao hyiao-teh væn-pah kong-yi-go cü-kwu tu z dzong Gyi ka sang-c'ih læ-go.

¹⁸ 小人，難間是末極時世。爾拉所聽聞有一個基督個對頭要來，難間有許多基督個對頭已經來東了；就好曉得是末極時世。¹⁹ 其拉會離開阿拉走出去，本來弗是阿拉個人；若是阿拉個人總會等阿拉長來東。但是離開之，箇是明當當弗是阿拉個人。²⁰ 爾拉被聖靈感化，像傅油介，樣樣曉得。²¹ 我寫信撥爾拉，弗是爲了爾拉弗曉得真道理，是爲了爾拉曉得個，並且曉得凡百假個弗是從真道理介來。²² 弗招認耶穌是個基督，箇個主顧若弗是假個，誰是假個？弗招認天父等其兒子，就是基督個對頭。²³ 凡百弗招認其兒子主顧，是嘸得其阿爹。招認其兒子主顧，就有其阿爹。²⁴ 爾拉一向所聽聞個道理該存來心裏。若素常所聽聞個道理是存來爾拉個心裏，爾拉就會長在於兒子等阿爹。²⁵ 還有，其應許阿拉個，就是永遠活命。²⁶ 我寫箇星事幹撥爾拉，是指點箇星來間帶掉爾拉個主顧。²⁷ 還有，爾拉從其所得着個傅油是來爾拉個心裏，也好留別人教爾拉。箇個傅油既然是教爾拉樣樣事幹，也是真個，一眼嘸告假個，照其所教個，爾拉好長通在於其。²⁸ 難間爾拉，小人好長通在於其；介呢，其顯出來時候，阿拉好放心；其來個時候，阿拉來其面前也弗會惶恐。²⁹ 爾拉若曉得其是公義個，就好曉得凡百公義個主顧都是從其介生出來個。

1I'e. III.

Ng-lah *ts'eng-ts'eng-k'en!* *T'in-Vu* dza-nyiang æ-sih ah-lah, s-teh ah-lah hao ts'ing-hwu Jing-ming-go ng-ts. Sô-yi shü-kæn-zông feh sih-teh ah-lah, ing-we sin feh sih-teh Gyi. ² Ts'ing-æ-go hyüong-di," ah-lah yin-dzæ z Jing-ming-go ng-ts,

tsiang-læ we dza-go wa feh-zing hyin-c'ih læ: ah-lah tsih hyiao-teh Gyi hyin-c'ih læ z-'eo, tsong we ziang Gyi ka; ing-we hao k'en-kyin Gyi-go ts'ing-sing. ³ Væn-pah læ sing-li yiu keh-go siang-vông cü-kwu tsong we long zi ts'ing-kyih, ziang Gyi-go ts'ing-kyih ka. ⁴ Væn-pah yiu-ze-go cü-kwu z væn lih-fah: væn-ze ziu-z væn-fah. ⁵ Ng-lah yia hyiao-teh Gyi hyin-c'ih læ z iao pô ah-lah-go ze siu-leh-ky'i; Gyi-zi z ih-ngæn m-kao ze. ⁶ Væn-pah dzæ-ü Gyi go feh-we væn-ze: væn-pah væn-ze-go cü-kwu z m̃-teh k'en-kyin Gyi, yia feh sih-teh Gyi. ⁷ Siao-nying, tsong m-nao be nying-kô yiu-'ôh; tso kong-yi go cü-kwu z kong-yi ziang Gyi-go kong-yi ka. ⁸ Væn-ze-go cü-kwu z dzong mo-kwe ka læ; ing-we mo-kwe dzong ky'i-deo ziu væn-ze. Jing-ming-go Ng-ts hyin-c'ih læ, z we-leh iao mih-diao mo-kwe-go z-ken. ⁹ Væn-pah dzong Jing-ming ka sang-c'ih læ cü-kwu feh we væn-ze, ing-we gyi 'ô-tih-go cong sing-li wa dzeng-tih; gyi yia feh neng-keo væn-ze, ing-we z dzong Jing-ming ka sang-c'ih læ-go. ¹⁰ Jing-ming-go ng-ts teng mo-kwe-go ng-ts z-ka hao ming-tông-tông k'en-c'ih; væn-pah feh tso kong-yi go, wa-yiu feh æ-sih gyi hyüong-di go, tu feh-z dzong Jing-ming ka læ. ¹¹ Ing-we ng-lah ih-hyang sô t'ing-meng go 'ao-ling, ziu-z ah-lah kæ dô-kô siang-æ. ¹² M-nao ziang keh dzong ôh-kwe ka læ go Kæ-ing, z sah-diao zi-go ah-di. Soh-go z-ken sah gyi? Ing-we gyi-zi-go 'ang-we ôh-go, gyi ah-di-go 'ang-we kong-yi-go. ¹³ Ngô-go hyüong-di, ziah-z shü-kæn-zông u-su ng-lah, hao-vong gyi-kwa. ¹⁴ Ing-we ah-lah æ-sih hyüong-di, ziu hao hyiao-teh ah-lah z dzong si-lu tsæn-ko tao weh-lu de. Feh æ-sih hyüong-di cü-kwu z dzing-gyiu deng læ si-lu li. ¹⁵ Væn-pah u-su gyi hyüong-di cü-kwu z-go hyüong-siu; ng-lah hyiao-teh væn-pah hyüong-siu z m̃-teh üong-yün weh-ming læ gyi sing li. ¹⁶ *Yiæ-su* we-leh ah-lah ky'i-diao zi-go sing-ming, ah-lah ziu hao hyiao-teh Gyi æ-sih-go sing; ah-lah we-leh hyüong-di yia kæ ky'i-diao sing-ming. ¹⁷ Nying yiu keh shü-kæn-zông-go kô-kyi, ziah k'en-kyin gyi hyüong-di ky'üih-siao dziang-tön, wa we pi-djü gyi æ-lin sing-dziang feh ky'i tsiu-tsi gyi, dza-we yiu æ-kying Jing-ming go sing læ gyi li-hyang ni? ¹⁸ Ngô-go siao-nying, ah-lah m-nao tæen pô k'eo-li-go shih-wô æ-sih nying-kô, tsong-iao pô jih-we-go 'ang-we ky'i æ-sih gyi. ¹⁹ Ziu hao hyiao-teh ah-lah z tsing *dao-li-go*, wa-yiu læ Gyi-go min-zin hao fông-sing. ²⁰ Ah-lah-go sing ziah-z zi tsah-vah zi, Jing-ming pi ah-lah-go sing wa do, yiang-yiang tu hyiao-teh go. ²¹ Ts'ing-æ-go hyüong-di, ah-lah-go. sing ziah m-neh zi tsah-vah zi, læ Jing-ming-go min-zin hao fông-tæn. ²² Wa-yiu, ah-lah væn-pah sô gyiu go tu we dzong Gyi siu-li teh-djôh, ing-we z siu-djü Gyi-go lih-fah, yi tso Gyi. sô hwun-hyi go z-ken. ²³ Gyi-go lih-fah ziu-z eo ah-lah siang-sing Gyi Ng-ts *Yiæ-su* Kyi-toh-go ming-deo, yi dô-kô siang-æ, i-leh Gyi sô feng-fu ah-lah go lih-fah. ²⁴ Siu-djü Gyi

lih-fah. cü-kwu z dzæ-ü Jing-ming, Jing-ming yia dzæ-ü gyi. We-leh Gyi sô s-peh ah-lah go Sing-Ling, hao hyiao-teh Gyi z dzæ-ü ah-lah.

爾拉忖忖看！天父咋樣愛惜阿拉，使得阿拉好稱呼神明個兒子。所以世間上弗識得阿拉，因為先弗識得其。² 親愛個兄弟，阿拉現在是神明個兒子，將來會咋個還弗會顯出來。阿拉只曉得其顯出來時候，總會像其介；因為好看見其個親身。³ 凡百來心裏有箇個想望主顧總會攏自清潔，像其個清潔介。⁴ 凡百有罪個主顧是犯律法；犯罪就是犯法。⁵ 爾拉也曉得其顯出來是要把阿拉個罪收勒去；其自是一眼嚟告罪。⁶ 凡百在於其個弗會犯罪；凡百犯罪個主顧是嚟得看見其，也弗識得其。⁷ 小人，總嚟得好被人家誘惑；做公義個主顧是公義像其個公義介。⁸ 犯罪個主顧是從魔鬼介來；因為魔鬼從起頭就犯罪。神明個兒子顯出來，是為了要滅掉魔鬼個事幹。⁹ 凡百從神明介生出來主顧弗會犯罪，因為其下的個種心裏還存的；其也弗能夠犯罪，因為是從神明介生出來個。¹⁰ 神明個兒子等魔鬼個兒子是介好明當當看出。凡百弗做公義個，還有弗愛惜其兄弟個，都弗是從神明介來。¹¹ 因為爾拉一向所聽聞個號令，就是阿拉該大家相愛。¹² 嚟得好像箇從惡鬼介來個該隱，是殺掉自個阿弟。啥個事幹殺其？因為其自個行為惡個，其阿弟個行為公義個。¹³ 我個兄弟，若是世間上惡慄爾拉，好留奇怪。¹⁴ 因為阿拉愛惜兄弟，就好曉得阿拉是從死路趨過到活路了。弗愛惜兄弟主顧是仍舊庵來死路裏。¹⁵ 凡百惡慄其兄弟主顧是個兇手；爾拉曉得凡百兇手是嚟得永遠活命來其心裏。¹⁶ 耶穌為了阿拉棄掉自個性命，阿拉就好曉得其愛惜個心；阿拉為了兄弟也該棄掉性命。¹⁷ 人有箇世間上個家計，若看見其兄弟缺少長短，還會閉住其哀憐心腸弗去周濟其，咋會有愛敬神明個心來其裏向呢？¹⁸ 我個小人，阿拉嚟得好單把口裏個說話愛惜人家，總要把實惠個行為去愛惜其。¹⁹ 就好曉得阿拉是真道理個，還有來其個面前好放心。²⁰ 阿拉個心若是自責罰自，神明比阿拉個心還大，樣樣都曉得個。²¹ 親愛個兄弟，阿拉個心若嚟得自責罰自，來神明個面前好放膽。²² 還有，阿拉凡百所求個都會從其手裏得着，因為是守住其個律法，又做其所歡喜個事幹。²³ 其個律法就是謳阿拉相信其兒子耶穌基督個名頭，又大家相愛，依勒其所吩咐阿拉個律法。²⁴ 守住其律法主顧是在於神明，神明也在於其。為了其所賜撥阿拉個聖靈，好曉得其是在於阿拉。

1I'e. IV.

Ts'ing-æ-go hyüong-di, m-nao siang-sing ko-tang-ko ling; ng-lah kæ s-s gyi k'en, z dzong Jing-ming ka læ feh z; ing-we shü-kæn-zông yiu hyü-to kô sin-cü-

nying c'ih-læ. ² Z-ka hao hyiao-teh Jing-ming-go ling: væn-pah tsiao-jing Yiæ-su Kyi-toh z dzing-leh nyüoh-sing ka læ-go, keh ziu-z Jing-ming-go ling. ³ Væn-pah feh tsiao-jing Yiæ-su Kyi-toh z dzing-leh nyüoh-sing ka læ-go, keh feh z Jing-ming-go ling; z Kyi-toh te-deo-go, ziu-z ng-lah sô t'ing-meng iao læ go; ping-ts'ia yi-kying læ shü-kæn-zông læ-tong-de. ⁴ Siao-nying, ng-lah z Jing-ming-go nying, z yi-kying tang-ying gyi-lah: ing-we læ ng-lah li-hyang go, pi læ shü-kæn-zông go wa do. ⁵ Gyi-lah z shü-kæn-zông-go nying; sô-yi kông shü-kæn-zông z-ken, shü-kæn-zông yia z t'ing gyi-lah-go shih-wô. ⁶ Ah-lah z Jing-ming-go nying: hyiao-teh Jing-ming go cü-kwu z t'ing ah-lah-go shih-wô; feh z Jing-ming-go nying z feh t'ing ah-lah-go shih-wô. ⁷ Z-ka tsing *dao-li-go* ling teng zia *dao-li-go* ling hao bin-leh-c'ih. Ts'ing-æ-go hyüong-di, ah-lah kæ dô-kô siang-æ; ing-we æ-sih-go sing z dzong Jing-ming ka læ; wa-yiu væn-pah yiu æ-sih-go sing cü-kwu, tu z dzong Jing-ming ka sang-c'ih-læ, yia-z sih-teh Jing-ming. ⁸ M̃-teh æ-sih-go sing cü-kwu z feh sih-teh Jing-ming; ing-we æ-sih-go *sing* ziu-z Jing-ming-go *sing*. ⁹ Jing-ming ts'a zi-go doh-
 yang Ng-ts tao shü-kæn-zông læ, s-teh ah-lah k'ao-djôh Gyi hao weh. Jing-ming æ-sih ah-lah go sing z-ka hyin-c'ih læ-de. ¹⁰ Yia bing feh z ah-lah sin æ-kying Jing-ming, z Jing-ming sin æ-sih ah-lah, ts'a Gyi-zi-go Ng-ts læ wæn-we ah-lah-go ze, keh tsing-tsing z æ-sih-go sing. ¹¹ Ts'ing-æ-go hyüong-di, Jing-ming kyi-jün ka æ-sih ah-lah, ah-lah yia kæ dô-kô siang-æ. ¹² Dzung m-yiu nying k'en-kyin Jing-ming ko. Ah-lah. ziah-z. dô-kô siang-æ, Jing-ming z dzæ-ü ah-lah, ah-lah æ-kying Jing-ming go sing yia djün-be-de. ¹³ Ing-we Gyi. s zi-go *Sing-Ling* peh ah-lah, ziu hao hyiao-teh ah-lah z dzæ-ü Gyi, Gyi yia-z dzæ-ü ah-lah. ¹⁴ T'in-Vu ts'a Gyi-go ng-ts læ tso shü-kæn-zông-go Kyiu-cü, ah-lah z k'en-kyin-ko, yia-z te-tsing keh-go z-ken. ¹⁵ Ziah-yiu nying tsiao-jing Yiæ-su z Jing-ming-go Ng-ts, Jing-ming z dzæ-ü gyi, gyi yia dzæ-ü Jing-ming. ¹⁶ Jing-ming æ-sih ah-lah go sing, ah-lah yia hyiao-teh-go, yia jih-we siang-sing-go. Jing-ming-go *sing* ziu-z æ-sih-go sing; væn-pah dzeng æ-sih sing go, z dzæ-ü Jing-ming, Jing-ming yia dzæ-ü gyi.

親愛個兄弟，嘸得好相信個打個靈；爾拉該試試其看，是從神明介來弗是；因為世間上有許多假先知人出來。² 是介好曉得神明個靈：凡百招認耶穌基督是成勒肉身介來個，箇就是神明個靈。³ 凡百弗招認耶穌基督是成勒肉身介來個，箇弗是神明個靈；是基督對頭個，就是爾拉所聽聞要來個；並且已經來世間上來東了。⁴ 小人，爾拉是神明個人，是已經打贏其拉。因為來爾拉裏向個，比來世間上個還大。⁵ 其拉是世間上個人；所以講世間上事幹，世間上也是聽其拉個說話。⁶ 阿拉是神明個人。曉得神明個主顧是聽阿拉個說話；弗是神明個人是弗聽阿拉個說話。⁷ 是介真道理個靈等邪道理個靈好辨勒出。親愛個兄弟，阿

拉該大家相愛；因為愛惜個心是從神明介來；還有凡百有愛惜個心主顧，都是從神明介生出來，也是識得神明。⁸ 嘸得愛惜個心主顧是弗識得神明；因為愛惜個心就是神明個心。⁹ 神明差自個獨養兒子到世間上來，使得阿拉靠着其好活。神明愛惜阿拉個心是介顯出來了。¹⁰ 也並弗是阿拉先愛敬神明，是神明先愛惜阿拉，差其自個兒子來挽回阿拉個罪，箇真正是愛惜個心。¹¹ 親愛個兄弟，神明既然介愛惜阿拉，阿拉也該大家相愛。¹² 從嘸有人看見神明過。阿拉若是大家相愛，神明是在於阿拉，阿拉愛敬神明個心也全備了。¹³ 因為其賜自個聖靈撥阿拉，就好曉得阿拉是在於其，其也是在於阿拉。¹⁴ 天父差其個兒子來做世間上個救主，阿拉是看見過，也是對證箇個事幹。¹⁵ 若有人招認耶穌是神明個兒子，神明是在於其，其也在於神明。¹⁶ 神明愛惜阿拉個心，阿拉也曉得個，也實惠相信個。神明個心就是愛惜個心；凡百存愛惜心個，是在於神明，神明也在於其。

¹⁷ We-leh ka, ah-lah æ-sih-go sing z djün-be-de, tao sing-p'un nyih-ts ah-lah yia hao fông-sing; ing-we ah-lah læ keh-go shü-kæn-zông tsing-hao ziang Gyi ka. ¹⁸ Dzæ-ü æ-sih-go sing z m-kao p'ô-gyü; djün-be æ-sih-go sing we ken-c'ih keh-go p'ô-gyü; ing-we p'ô-gyü ziu-z p'ô ying-vah. P'ô-gyü-go cü-kwu, gyi æ-sih-go sing wa m-neh djün-be. ¹⁹ Ah-lah z æ-kying Gyi, ing-we Gyi sin æ-sih ah-lah. ²⁰ Ziah-yiu nying wô; 'ngô z æ-kying Jing-ming,' wa-we u-su gyi hyüong-di, keh-z shih-hwông-go: ing-we nying, ziah feh æ-sih gyi sô k'en-kyin go hyüong-di, dza neng-keo æ-kying m-neh k'en-kyin go Jing-ming? ²¹ Ping-ts'ia ah-lah yi-kying ziu keh-go feng-fu, ziu-z; Æ-kying Jing-ming go cü-kwu yia kæ æ-sih gyi hyüong-di.

¹⁷ 爲了介，阿拉愛惜個心是全備了，到審判日子阿拉也好放心；因為阿拉來箇個世間上正好像其介。¹⁸ 在於愛惜個心是嘸告怕懼；全備愛惜個心會趕出箇個怕懼；因為怕懼就是怕刑罰。怕懼個主顧，其愛惜個心還嘸得全備。¹⁹ 阿拉是愛敬其，因為其先愛惜阿拉。²⁰ 若有人話，「我是愛敬神明，」還會惡憐其兄弟，箇是說謊個。因為人，若弗愛惜其所看見個兄弟，咋能夠愛敬嘸得看見個神明？²¹ 並且阿拉已經受箇個吩咐，就是，愛敬神明個主顧也該愛惜其兄弟。

1I'e. V.

Væn-pah siang-sing Yiæ-su z Kyi-toh go, z dzong Jing-ming ka sang-c'ih-læ; wa-yiu væn-pah æ-kying sang Gyi go cü-kwu, yia we æ-sih Gyi sang-c'ih læ-go. ²

Ah-lah ziah æ-kying Jing-ming, siu-djü Gyi-go lih-fah, ziu hao hyiao-teh ah-lah z æ-sih Jing-ming-go ng-nô. ³ Ing-we ah-lah siu-djü Gyi-go lih-fah, ziu-z æ-kying Jing-ming: Gyi-go lih-fah yia feh-næn. ⁴ Væn-pah dzong Jing-ming ka sang-c'ih-læ, z tang-ying shü-kæn-zông; tang-ying shü-kæn-zông go neng-ken z ah-lah-go siang-sing-go sing. ⁵ Jü neng-keo tang-ying shü-kæn-zông, tsih-yiu siang-sing Yiæ-su z Jing-ming-go Ng-ts cü-kwu?

凡百相信耶穌是基督個，是從神明介生出來。還有凡百愛敬生其個主顧，也會愛惜其生出來個。² 阿拉若愛敬神明，守住其個律法，就好曉得阿拉是愛惜神明個兒因。³ 因為阿拉守住其個律法，就是愛敬神明。其個律法也弗難。⁴ 凡百從神明介生出來，是打贏世間上。打贏世間上個能幹是阿拉個相信個心。⁵ 誰能夠打贏世間上，只有相信耶穌是神明個兒子主顧？

⁶ Keh yüong shü teng hyüih læ-go cü-kwu ziu-z Yiæ-su Kyi-toh: Gyi feh tæntsih yüong shü, z yüong shü teng hyüih. Tso te-tsing go z Sing-Ling, ing-we Sing-Ling z jih-we-go. ⁷ Læ t'in-zông yiu sæn-go tso te-tsing, ziu-z T'in-Vu, teng keh-go Dao, teng Sing-Ling: keh sæn-go ziu-z ih-go. ⁸ Læ di-zông yia yiu sæn-go tso te-tsing, ziu-z Sing-Ling, teng shü, teng hyüih: keh sæn-go yia-z 'eh-r we-ih-go. ⁹ Ah-lah ziah tsih-ziu nying-go te-tsing, Jing-ming-go te-tsing z yü-kô do: ing-we keh z Jing-ming t'i Gyi ng-ts sô tso go te-tsing. ¹⁰ Siang-sing Jing-ming-go Ng-ts cü-kwu yiu keh-go te-tsing læ gyi sing-li: feh siang-sing Jing-ming go cü-kwu z sön Jing-ming shih-hwông; ing-we feh siang-sing Jing-ming t'i Gyi-go Ng-ts sô tso go te-tsing. ¹¹ Keh-go te-tsing ziu-z, Jing-ming yiu üong-yün weh-ming s-peh ah-lah-go, ping-ts'ia keh-go weh-ming z dzæ-ü Gyi Ng-ts. ¹² Yiu Jing-ming-go Ng-ts cü-kwu yiu weh-ming; m̃-teh Jing-ming-go Ng-ts cü-kwu m̃-teh weh-ming.

⁶ 箇用水等血來個主顧就是耶穌基督。其弗單只用水，是用水等血。做對證個是聖靈，因為聖靈是實惠個。⁷ 來天上有三個做對證，就是天父、等箇個道、等聖靈。箇三個就是一個。⁸ 來地上也有三個做對證，就是聖靈、等水、等血。箇三個也是合而為一個。⁹ 阿拉若接受人個對證，神明個對證是愈加大。因為箇是神明替其兒子所做個對證。¹⁰ 相信神明個兒子主顧有箇個對證來其心裏。弗相信神明個主顧是算神明說謊；因為弗相信神明替其個兒子所做個對證。¹¹ 箇個對證就是，神明有永遠活命賜撥阿拉個，並且箇個活命是在於其兒子。¹² 有神明個兒子主顧有活命；嚟得神明個兒子主顧嚟得活命。

¹³ Ngô sia keh-sing z-ken peh ng-lah, siang-sing Jing-ming Ng-ts-go ming-deo cü-kwu, z s-teh ng-lah hao hyiao-teh yiu üong-yün weh-ming; yi s-teh ng-lah hao siang-sing Jing-ming Ng-ts-go ming-deo. ¹⁴ Wa-yiu, ah-lah ziah tsiao Gyi-go ts-i

gyiu ze-bin soh-si, Gyi we t'ing ah-lah, keh z ah-lah fông-tæn *siang-sing* Gyi go.¹⁵ Kyi-jün hyiao-teh gyiu ze-bin soh-si Gyi we t'ing ah-lah, yia hao hyiao-teh ah-lah sô gyiu Gyi go tong-si z yi-kying teh-djôh-de.¹⁶ Ziah-yiu nying k'en-kyin gyi hyüong-di væn ih-yiang ze, feh-z si-ze, gyi kæ gyiu-gyiu, *Jing-ming* ziu we cing gyi keh-sing feh væn si-ze go cü-kwu hao weh-de? Yiu ih-yiang ze z si-ze: ngô feh wô, kæ dæ-teng gyi gyiu.¹⁷ Væn-pah feh kong-yi-go z-ken tu z ze: feh-z si-ze yia yiu.¹⁸ Ah-lah hyiao-teh væn-pah dzong Jing-ming ka sang-c'ih læ-go feh-we væn-ze; z dzong Jing-ming sang-c'ih læ-go tsong-we kwu-djôh zi, keh ôh-kwe yia gying-sing feh-long.¹⁹ Ah-lah hyiao-teh ah-lah z dzong Jing-ming ka læ, 'en shü-kæn-zông tu [1]zo-ze liao-go.²⁰ Ah-lah hyiao-teh Jing-ming-go Ng-ts yi-kying læ-de, yi s-peh ah-lah ming-liang hao sih-teh tsing-go cü-kwu; ah-lah yia dzæ-ü tsing-go cü-kwu ziu-z dzæ-ü Gyi-go Ng-ts Yiæ-su Kyi-toh. Keh? ziu-z tsing-go Jing-ming, yia-z üong-yün weh-ming.²¹ Siao-nying, ng-lah yüong kwu-djôh m-nao pa nyi-su moh-tiao. Üô-meng.

¹³ 我寫箇星事幹撥爾拉，相信神明兒子個名頭主顧，是使得爾拉好曉得有永遠活命；又使得爾拉好相信神明兒子個名頭。¹⁴ 還有，阿拉若照其個旨意求隨便啥西，其會聽阿拉，箇是阿拉放膽相信其個。¹⁵ 既然曉得求隨便啥西其會聽阿拉，也好曉得阿拉所求其個東西是已經得着了。¹⁶ 若有人看見其兄弟犯一樣罪，弗是死罪，其該求求，神明就會准其箇星弗犯死罪個主顧好活了。有一樣罪是死罪。我弗話，該代等其求。¹⁷ 凡百弗公義個事幹都是罪。弗是死罪也有。¹⁸ 阿拉曉得凡百從神明介生出來個弗會犯罪；是從神明生出來個總會顧着自，箇惡鬼也近身弗攏。¹⁹ 阿拉曉得阿拉是從神明介來，咸世間上都坐罪^[1]了個。²⁰ 阿拉曉得神明個兒子已經來了，又賜撥阿拉明亮好識得真個主顧。阿拉也在於真個主顧就是在於其個兒子耶穌基督。箇就是真個神明，也是永遠活命。²¹ 小人，爾拉用顧着嚟得好拜泥塑木雕。亞們。

[1] 'Ôh wô; læ-tih i-dzong ôh-go dziu-dih. 或話，來的依從惡個仇敵。（原註）